



REPUBLIKA E SHQIPËRISË

**MINISTRIA E PUNËVE TË BRENDSHME
SHOQËRIA “ILLYRIAN GUARD” SH.A.
DEPARTAMENTI ADMINISTRATIV
DREJTORIA JURIDIKE**



Nr. _____ Prot

Tiranë, më ____ . ____ . 2026

PROCESVERBAL- Tipi i kontratës - Shërbim

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS : “Shërbime të internetit primar për administratën, QVD dhe zyrat në qarqe 2026 për nevojat e shoqërisë “Illyrian Guard Sh.a”.

KODI PËRKATËS NË FJALORIN E PËRBASHKËT TË PROKURIMIT (CPV):
72400000-4 Shërbimet e internetit

VLERA E FONDIT LIMIT: 9,572,833 (Nëntë milion e pesëqind e shtatëdhjetë e dy mijë e tetëqind e tridhjetë e tre) Lekë pa TVSH.

Sigurimi i ofertës 2% e fondit limit sipas nenit 30, pika 3 të VKM nr. 285, datë 19.05.2021, është **191,457** (Njëqind e nëntëdhjetë e njëmijë e katërqind e pesëdhjetë e shtatë) Lekë pa TVSH.

Në bazë të Ligjit nr.162/2020 “Për prokurimin publik”, Ligji 16/2024 “Për disa shtesa dhe ndryshime në ligjin Nr. 162/2020 “Për prokurimin publik” nenit 21, pika 2, VKM nr. 285, datë 19.05.2021 “Për miratimin e rregullave të prokurimit publik” i ndryshuar, nenit 2, pika 2/c dhe nenit 78, pika 2, të autoriteti/enti kontraktor **Shoqëria “Illyrian Guard” Sh.A.**, ka hartuar procesverbalin për argumentimin e kriterëve për kualifikim për procedurën e sipërcituar, me përmbajtjen si më poshtë:

Në zbatim të Urdhërit të Prokurimit Nr. 815 prot. ,datë 26.05.2026 të Administratorit, është ngritur Njësia e Prokurimit për hartimin e kriterëve të veçanta për procedurën me objekt: **“Shërbime të Internetit primar për administratën ,QVD dhe zyrat në qarqe 2026, për nevojat e Shoqërisë “Illyrian Guard Sha”**.

Në mbështetje të termave të references dhe fondit limit propozojmë kriteret e veçanta të kualifikimit si më poshtë vijon:

I. ARGUMENTIMI I SPECIFIKIMEVE TEKNIKE

Specifikimet teknike janë hartuar nga grupi i posaçëm i cili është ngritur me Urdhër të Titullarit për hartimin e specifikimeve teknike në përputhje me nenin 4, pika 38/b dhe nenin 36, të ligjit nr.162/2020 “Për Prokurimin Publik”, si dhe nenit 41, pika 1, të VKM nr. 285, datë 19.05.2021 “Për miratimin e rregullave të prokurimit publik” (ndryshuar).

Specifikimet teknike të shërbimit objekt prokurimi janë hartuar duke u diktuar nga nevoja për Shërbime të internetit primar për administratën, QVD dhe zyrat në qarqe si një komponent thelbësor të infrastrukturës teknologjike dhe operacionale të shoqërisë, mbi të cilin mbështetet funksionimi i sistemeve të centralizuara dhe shpërndarja e informacionit në kohë reale ndërmjet strukturave të ndryshme organizative.

II. ARGUMENTIMI VLERA LIMIT E KONTRATËS

Në përlllogaritjen e vlerës së fondit limit të kontratës, Autoriteti ynë kontraktor, ka zbatuar parashikimet e Nenit 76 të VKM Nr.285/2021, pika 1 b duke marrë oferta nga operatorët ekonomik të fushës. Ofertat janë administruar në procesverbalin e llogaritjes së fondit limit dhe janë pjesë e dosjes.

Në përlllogaritjen e vlerës limit të kontratës, autoriteti/enti kontraktor duhet t’i referohet një ose më shumë alternativave të renditura, si më poshtë vijon:

- a) çmimet e botuara nga Instituti i Statistikave (INSTAT), ose/dhe çmime të tjera zyrtare, të njohura nga institucionet përkatëse (si për shembull, nga organet tatimore a doganore, dhomat e tregtisë, në manuale etj.); ose/dhe*
- b) studimit të tregut, bazuar në mesataren e çmimeve të marra nga ky studim; ose/dhe*
- c) çmimet e kontratave të mëparshme, të realizuara nga vetë apo nga autoritete të tjera kontraktore; ose/dhe*
- ç) çmimet ndërkombëtare të shpallura publikisht.*

Autoriteti/enti kontraktor mund t’i referohet një ose më shumë alternativave të mësipërme në përlllogaritjen e vlerës limit të kontratës, me qëllim që ajo të jetë një vlerë reale për kushtet e tregut dhe njëkohësisht të krijojë mundësinë e pjesëmarrjes së sa më shumë operatorëve ekonomikë.

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. *Formularin Përmbledhës të Vetëdeklarimit, sipas shtojcës 10;*

Argumentimi: Ky kriter u vendos me mbështetje në nenet 76 dhe 82 të Ligjit Nr. 162/2020 “Për Prokurimin Publik”, dhe nenin 26 të VKM Nr. 285, datë 19.05.2021 “Për Miratimin e Rregullave të Prokurimit Publik”, në të cilën është e përcaktuar se: “1. Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.

b. Sigurimin e Ofertës, sipas Shtojcës 3;

Argumentimi: Ky kriter u vendos sipas nenit 83/1 të Ligjit 162/2020 “Për Prokurimin Publik”, në të cilën është e parashikuar se: Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël. Si dhe Nenit 83/2 ku përcaktohet se: *Autoriteti ose enti kontraktor duhet të specifikojë në dokumentet e tenderit: a) vlerën e kërkuar të sigurimit të ofertës, e cila duhet të jetë 2% e vlerës së përlogaritur të kontratës; b) çdo kërkesë për natyrën dhe formën e sigurimit të ofertës, si dhe në nenin 30 të VKM Nr 285, datë 19.05.2021 “Për Miratimin e Rregullave të Prokurimit Publik”*

2.1 Kandidati/Ofertuesi duhet të dorëzojë:

2.1.1. Kapacitetin profesional të operatorëve ekonomikë: Përshtatshmëria për të kryer veprimtarinë profesionale (nëse është e aplikueshme): me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 10.

Argumentimi: Kërkesa e mësipërme bazohet në nenin 77, pika 1/a dhe 2, të LPP, nenit 41, të VKM Nr. 285, datë 19.05.2021 “Për miratimin e rregullave të prokurimit publik” i ndryshuar.

2.2 Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare 2023,2024, 2025 ku vlera e xhiros për të paktën një nga vitet e periudhës së kërkuar duhet të jetë jo më e vogël se 39 % të fondit limit.

Argumentim: Kërkesa e mësipërme është përcaktuar bazuar në nenin 77, pika 3, të ligjit nr. 162, datë 23.12.2020 “Për prokurimin publik” në të cilin gjejmë të përcaktuar se: *3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit. Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës.; dhe në nenin 43, pika 1 dhe 2 b) të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar ku përcaktohet se: Pika 1. Autoriteti/entikontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik dhe, sipas rastit të xhiros që mbulon kontrata, për një periudhë maksimumi deri në 3 (tre) vitet e fundit financiare. Pika 2/b: 2. Vlera e xhiros minimale vjetore që u kërkohet operatorëve ekonomikë nuk mund të tejkalojë: b) vlerën e përlogaritur të kontratës ose lotit, në procedurat e prokurimit ndërmjet kufirit të lartë dhe të ulët monetar;*

Si dhe në legjisllacionin e fushës në fuqi, përkatësisht në Ligjin nr. 8438, datë 28.12.1998 "Për tatimin mbi të ardhurat", i ndryshuar, VKM nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike", si dhe në Udhëzimin e Ministrisë të Financave nr.5, datë 30.01.2006, "Për tatimin mbi

të ardhurat”, i ndryshuar. Përcaktimi i vlerës është bërë brenda kufirit të vlerës të përcaktuar në rregullat e prokurimit publik dhe paraqitja e një dëshmie të lëshuar nga administrata tatimore vërteton besueshmërinë dhe kapacitetet financiare që ka një operator ekonomik ofertues nëpërmjet xhiros të realizuar në një nga këto vitet e fundit. Është e rëndësishme që ofertuesi para se të dorëzojë ofertën të kuptojë dhe të vlerësojë aftësitë/mundësitë e tij që lidhen me kapitalin e nevojshëm për ekzekutimin me sukses të një kontrate të kësaj përmase që AK po prokuron.

Me anë të këtij kriteri kërkohet që operatorët ekonomikë të dëshmojnë që kanë kapacitetin e nevojshëm ekonomik dhe financiar për të zbatuar kontratën.

2.3 Kapaciteti teknik:

2.3.1 Operatori ekonomik duhet të paraqesë dëshmi për shërbimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 19 % të vlerës së fondit të limit të kësaj kontrate.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose/dhe faturave tatimore të shitjes, të plotësuara sipas kërkesave të legjislacionit në fuqi **dhe të deklaruara në organet tatimore**, ku shënohen datat, shumat dhe shërbimet e realizuara.
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

Argumentimi: Kërkesa e mësipërme është përcaktuar bazuar në nenin 77 të Ligjit Nr. 162, datë 23.12.2020 “Për prokurimin publik”, i ndryshuar, si dhe nenit 41, pika 3 ku citohet:

Për të provuar përvojën e mëparshme, autoriteti/enti kontraktor kërkon dëshmi për realizimin me sukses të një ose disa kontratave për shërbimet e mëparshme, të ngjashme, të kryera gjatë tre viteve të fundit. Në çdo rast, vlera e kërkuar duhet të jetë në një vlerë jo më të madhe se 40% të vlerës së përllogaritur të kontratës që prokurohet dhe që është realizuar gjatë tre viteve të fundit, nga data e shpalljes së njoftimit të kontratës dhe nenit 55, pika 4/b, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar ku citohet:

b) Për kontratat e mallrave dhe shërbimeve vlera totale e kërkuar duhet të jetë në një vlerë jo më të madhe se 20% të vlerës së përllogaritur të kontratës, që prokurohet dhe që është realizuar gjatë tri viteve të fundit, nga data e shpalljes së njoftimit të kontratës.

Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën e kërkuar, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Duke marre ne konsiderate sasine dhe cilesine e sherbimeve objekt procedure prokurimi, eshte menduar se vlera e kerkuar qe OE ofertues te kete bere me kontrata te ngjashme, te jete afer limitit maksimal dhe ne kete menyre, AK ka sigurine dhe besueshmerine qe OE ofertues mund te realizoje kontraten objekt prokurimi pa patur pengesa te ndryshme qe do te ndikonin ne ecurine e punes se AK.

2.3.2 Operatori Ekonomik ofertues duhet te ketë të punësuar në stafin e tij jo më pak se 3 (tre) punonjës, të diplomuar në fushën e Telekomunikacionit, Elektronikë, Informatike, Teknologji Informacioni.

Ky kriter plotësohet me dorëzimin e paraqitjes së formularit përmbledhës të vetëdeklarimit, sipas shtojcës përkatëse të DST.

Ofertuesi i kualifikuar, i pari, përpara publikimit të njoftimit të fituesit dhe nisjes së afateve të ankimit për të dëshmuar disponimin e tyre duhet të paraqesë dokumentacionin provues original ose kopje e noterizuar:

- Diplomat Universitare në programet e studimit në fushën e Telekomunikacionit, Elektronikë, Informatike, Teknologji Informacioni
- Duhet te figurojne ne Listepagesat e kompanise E-Sig per te paktën 3 (tre) muajt e fundit.

Argumentimi: Kërkesa për kualifikimin e nevojshëm profesional është në përpjesëtim dhe e lidhur ngushtë me objektin e kontratës dhe me aftësitë zbatuese të ofertuesit. Ky kriter respekton parimin e mosdiskriminimit dhe është kërkesë e mundur të plotësohet nga çdo operator ekonomik që ka në objektin e veprimtarisë së tij ofrimin e shërbimeve të komunikimeve elektronike dhe internetit.

Ky shërbim është i një rëndësie të veçantë për shoqërinë “Illyrian Guard” sh.a., duke pasur parasysh se interneti përbën infrastrukturën bazë të komunikimit ndërmjet administratës qendrore, sallave operative dhe zyrave në qarqe. Për këtë arsye është kërkuar një shërbim i vazhdueshëm dhe cilësor 24 orë në ditë, 7 ditë në javë. Operatori ekonomik është i detyruar të sigurojë monitorimin, mirëmbajtjen dhe suportin teknik të nevojshëm për funksionimin e pandërprerë të rrjetit, ndaj vlerësohet i domosdoshëm disponimi i jo më pak se 3 punonjësve të kualifikuar, duke marrë në konsideratë edhe shtrirjen gjeografike të strukturave të shoqërisë.

Ky kriter mbështetet në pikën 4 të nenit 77 të Ligjit nr. 162, datë 23.12.2020 “Për prokurimin publik”, i ndryshuar, si dhe në nenin 41, pika 4/b, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar.

2.3.3. Operatori Ekonomik ofertues duhet te kete specialiste te certifikuar si me poshte:

- a) të paktën 1 (një) Specialist të certifikuar CCNA “Certified Network Associate Routing & Switching”/ ekuivalente;
- b) të paktën 1 (një) Specialist te certifikuar per Sigurine Kibernetike /ose ekuivalent;
- c) të paktën 1 (një) Specialist për sigurinë e rrjetit ose ekuivalent.

Shenim: Nje punonjes mund te kete me shume se nje certifikim.

Lidhur me kete pike operatori ekonomik ofertues duhet te disponoje certifikimet e punonjesve dhe listepagesat perkatese E-Sig.

Për pikën si më sipër operatorët ekonomik ofertues duhet të paraqesin formularin e vetëdeklarimit sipas shtojcës Nr. 10.

Ndërsa operatori ekonomik i kualifikuar i pari, duhet të dorëzojë pranë AK, përpara publikimit të njoftimit të fituesit dhe fillimit të afateve të ankimimit, të gjithë dokumentacionin provues të kërkuar si më sipër.

Argumentimi: Kërkesa për kualifikimin e nevojshëm profesional është në përpjestim dhe e lidhur ngushtë me objektin e kontratës dhe me aftësitë zbatuese të ofertuesit. Ky kriter respekton parimin e mosdiskriminimit dhe është kërkesë e mundur të plotësohet nga çdo OE, i cili ka në objektin e veprimtarisë së tij këtë natyrë shërbimi.

Duke pasur parasysh rëndësinë e veçantë që ka përdorimi i internetit si infrastrukturë komunikimi ndërmjet administratës qendrore, sallave operative dhe zyrave në qarqe të shoqërisë “Illyrian Guard” sh.a., si dhe nevojën për ofrimin e një shërbimi të vazhdueshëm dhe cilësor 24 orë në ditë dhe 7 ditë në javë, disponimi i specialistëve të mësipërm vlerësohet i domosdoshëm për garantimin e sigurisë, stabilitetit dhe vazhdimësisë së shërbimit.

- a) Certifikimi i CCNA (Cisco Certified Network Associate) është një nga certifikatat e nivelit të bashkëpunëtorëve të ofruar nga Cisco tek profesionistët e rrjetëzimit (network).

Certifikimi CCNA ose ekuivalent vërteton se personi zotëron njohuri profesionale mbi:

- konfigurimin dhe administrimin e rrjeteve IP;
- menaxhimin e pajisjeve aktive të rrjetit (router/switch);
- implementimin e protokolleve të komunikimit;
- diagnostikimin dhe zgjidhjen e problematikave të rrjetit;
- garantimin e sigurisë dhe performancës së infrastrukturës së komunikimit elektronik.

Prania e një specialisti të certifikuar është e domosdoshme për të garantuar ndërhyrje profesionale dhe zgjidhje efektive në rast problematikash teknike, si dhe për të siguruar konfigurimin korrekt dhe monitorimin e vazhdueshëm të rrjetit gjatë zbatimit të kontratës.

- b) Certifikimi në siguri kibernetike ose ekuivalent vërteton se specialisti zotëron njohuri dhe aftësi profesionale për:

- monitorimin dhe menaxhimin e incidenteve të sigurisë dhe analizave të vulnerabiliteteve;
- analizimin, identifikimin dhe parandalimin e kërcënimeve kibernetike;
- monitorimin e sigurisë dhe vlerësimin e riskut;

- analizimin dhe reagimin në kohë ndaj problematikave që cenojnë disponueshmërinë dhe integritetin e sistemit.

Duke qenë se shërbimi i internetit dhe rrjetet e komunikimit për shoqërinë tonë bëjnë pjesë në infrastrukturën kritike për funksionimin normal të sistemeve administrative dhe shkëmbimit të të dhënave, ato paraqesin objektiv potencial për sulme kibernetike, akses të paautorizuar apo ndërprerje të shërbimit. Për këtë arsye, operatori ekonomik duhet të disponojë personel të specializuar dhe të certifikuar në fushën e sigurisë kibernetike.

- c) Punonjesi i certifikuar për sigurinë e rrjetit siguron mbrojtjen e infrastrukturës dhe të dhenave të organizatës që kalojnë përmes rrjetit për të shmangur dhe parandaluar sulmet. Fokusi qëndron tek mbrojtja e infrastrukturës së rrjetit, kontrolli i aksesit, monitorimi i trafikut, konfigurimi i mekanizmave të sigurisë së rrjetit dhe mbrojtja ndaj sulmeve DDoS.

Monitoron dhe analizon trafikun e rrjetit, siguron që të dhenat të mbrohen nga vjedhja dhe nderhyrjet për të ruajtur konfidencialitetin dhe integritetin e tyre. Konfiguron, përdor softëare dhe protokolle të sigurisë për të mundësuar mbrojtje efektive, si edhe të përmbushë kërkesat ligjore dhe standardet e sigurisë (GDPR) për ruajtjen e privatesisë. Duke pasur parasysh që kontrata lidhet me shërbime të internetit për një institucion që ofron siguri publike, ekziston një rrezik i lartë për sulme keqdashëse (si DDoS). Rrjedhimisht, operatori ekonomik duhet të ketë staf të certifikuar për të menaxhuar, parandaluar dhe përmirësuar sigurinë e rrjetit si edhe të vërtetojë se zotëron njohuri dhe aftësi profesionale për implementimin e masave mbrojtëse ndaj sulmeve DDoS dhe garantimin e sigurisë së rrjetave.

Ky kriter mbështetet në pikën 4, të nenit të 77, të Ligjit Nr. 162, datë 23.12.2020 “Për prokurimin publik”, i ndryshuar dhe nenit 41, pika 4/c), të VKM Nr. 285, datë 19.05.2021 “Për miratimin e rregullave të prokurimit publik” i ndryshuar.

2.3.4 Operatori Ekonomik /Ofruesi i shërbimit duhet të paraqesë vërtetimin nga AKEP për të vërtetuar prezencën e rrjetit tokësor të OE në të gjitha pikat në qytetet në të cilat kërkohej shërbimi.

Për këtë duhet të paraqitet Autorizimi i vlefshëm nga AKEP ose një kontratë qeraje/marreveshje bashkëpunimi në ato pika të cilat operatori ekonomik ofertues nuk mund t’i mbulojë me rrjet.

Argumentimi: Ky kriter mbështetet në pikën 4, të nenit të 77, të Ligjit Nr. 162, datë 23.12.2020 “Për prokurimin publik” i ndryshuar i percaktuar dhe në nenin 41 pika 4, gërma “a”, të VKM Nr. 285 datë 19.05.2021 “Për Miratimin e Rregullave të Prokurimit Publik” i ndryshuar, ku percaktohet se: “Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: a) licenca profesionale për realizimin e shërbimeve, objekt i kontratës, të lëshuara nga autoritetet kompetente shtetërore”. Gjithashtu ky kriter bazohet dhe në nenin 41, pika 6, të VKM nr.285, datë 19.05.2021 “Për miratimin e Rregullave të Prokurimit Publik” të ndryshuar ku citohet:

6. Autoriteti/enti kontraktor, përveç kërkesave të parashikuara në këtë nen, mund të përcaktojë kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës, si edhe në Ligjin nr. 54/2024 “Për komunikimin

elektronike në Republikën e Shqipërisë”. Eshte ne te drejten e Autoritetit Kontraktor te kerkoje garanci per realizimi me sukses te projektit, duke perfshire kerkesat per certifikime dhe kualifikime sipas objektit te prokurimi.

2.3.5 Operatori ekonomik ofertues qe do te realizoje kete kontrate, duhet te jete i pajisur dhe te paraqese certifikaten perkatese te vlefshme te ISO-ve, (te perkthyer ne shqip dhe te noterizuar) te leshuar nga organizmat e vleresimit te konformitetit, te akredituara nga DPA, ose organizma nderkombetare akreditues te njohur nga Republika e Shqiperise, si me poshte:

- 1 **ISO 9001:2015 ose ekuivalent** certifikatën e menaxhimit të cilësisë së shërbimit ose ekuivalente , që kanë lidhje me objektin e kontratës;
- 2 **ISO 27001:2022 ose ekuivalent** për sistemin e menaxhimit të sigurisë së informacionit ose ekuivalente në lidhje me objektin e kontratës,
3. **ISO 20000-1:2018 ose ekuivalent** : për sistemin e menaxhimit te sistemeve ose ekuivalente në lidhje me objektin e kontrates.

Argumentimi: Ky kriter i percaktuar ne piken a) dhe b) eshte vendosur ne perputhje me piken 1 te nenit 79 te Ligjit nr.162/2020 ”Per Prokurimin Publik” i ndryshuar, ne te cilen gjejme te percaktuar se:

1. Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.

Kjo dispozitë zbatohet edhe kur kërkesat teknike u referohen kualifikimeve të kandidatit ose të ofertuesit.

Ky kriter gjen mbeshtetje ne piken 1 te nenit 44 te VKM nr 285 date 19.05.2021 “Per Miratimin e Rregullave te Prokurimit Publik” i ndryshuar, ku percaktohet se: *1. Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimi.*

Ky kriter u vendosën në përputhje me parashikimin e nenit 36, të Ligjit Nr. 162, datë 23.12.2020 “Për prokurimin publik”, i ndryshuar , ne baze te Njoftimit të Agjencisë së Prokurimit Publik Nr.2502 Prot., date 09.04.2021, si dhe ligjit Nr. 116/2014 “Për akreditimin e organeve të vlerësimit të konformitetit në Republikën e Shqipërisë”, ku percaktohet se këto Certifikata duhet të jenë të lëshuara nga organizma certifikues të akredituar, me qëllim që enti prokurues të krijojë sigurinë që operatorët ekonomik ofertues i kanë kapacitetet teknike lidhur aftësinë e tyre për te kryer shërbimin objekt kontrate. Me anë të këtij kriteri kërkohet që operatorët ekonomikë të dëshmojnë se disponojnë licencat profesionale që parashikohen nga legjislacioni në fuqi për kryerjen e shërbimeve, objekt i kontratës, të lëshuara nga autoritetet kompetente kompetente.

Standarti i cilesise ISO 9001 ose ekuivalent : eshte sot referimi i njohur ne nivel nderkombetar, per certifikimin e sistemit te menaxhimit te cilesise te kompanive te te gjithë sektoreve dhe te gjithë

permasave. Ky kriter kerkohet nga AK me qëllim për të vërtetuar cilësinë e shërbimit dhe të garantojë realizimin në kohë, me sukses dhe me cilësi sipas standardeve ndërkombëtare të objektit të kontratës.

Në lidhje me kërkesën që OE ofertues të paraqesë licencën e sipercituar është menduar si i domosdoshëm për natyrën dhe vlerën e kontratës, me qëllim për të siguruar AK që mallrat e ofruar do të jenë cilësorë dhe me parametra që plotësohen nga prodhues të licencuar sipas standardeve ndërkombëtare të cilësisë. Plotesimi i këtyre kriterëve nga ofertuesit e interesuar, garanton realizimin me sukses dhe me cilësi të objektit të kontratës.

Certifikata e menaxhimit të sigurisë së informacionit ISO 27001:2022 ose ekuivalent është e nevojshme pasi përcakton kërkesat për një sistem menaxhimi të sigurisë së informacionit. Për shkak të rëndësisë së veçantë që ka AK në Republikën e Shqipërisë, posaçërisht në sistemin elektro-energjetik, gjykohet se informacioni duhet mbrojtur dhe Kontraktori objekt procedure prokurimi, duhet të nderhyjë në sistemin e brendshëm të AK. Certifikimi sipas kësaj kategorie konfirmon ekzistencën dhe funksionimin e kontrolleve të OE ofertues dhe i jep sigurinë e nevojshme AK.

Standardi ISO 20000-1:2018 ose ekuivalent : Argumentimi: Kërkesa e mësipërme bazohet në nenin 79 të ligjit nr. 162, datë 23.12.2020 “Për prokurimin publik” dhe neni 44 të VKM nr. 285, datë 19.05.2021 “Për miratimin e rregullave të prokurimit publik”, është kërkuar kjo certifikatë me qëllim që operatorët ekonomikë që do të zbatojnë kontratën të jenë certifikuar në menaxhimin e shërbimeve në teknologjinë e informacionit. Përbushja e standartit ISO 20000-1:2018 është thelbësore, dhe siguron menaxhimin e shërbimeve që parashikon kontrata. Ky lloj certifikimi garanton Autoritetin Kontraktor se Operatori Ekonomik ka të implementuar një sistem menaxhimi të shërbimeve dhe zbatimin e kontratës në tërësi e rrjedhimisht dhe përbushjen e saj sipas të gjitha standardeve të shërbimit. Sistemi i menaxhimit të shërbimeve të IT konfirmon angazhimin e operatorit ekonomik për të ofruar dhe përmirësuar vazhdimisht cilësinë e shërbimeve.

Ofrimi i shërbimit, i përket fushës së teknologjisë së informacionit dhe është e nevojshme pajisja me këtë ISO nga kompania ofertuese për realizimin në mënyrë efektive dhe në përputhje me kërkesat e “Illyrian Guard” ShA. ISO 20000-1 është standardi ndërkombëtar për Menaxhimin e Shërbimit të Teknologjisë së Informacionit (ITSM) i pranuar nga shumica e vendeve të botës. Standardi përshkruan një seri procesesh menaxhimi të krijuara për të ndihmuar kompanitë të ofrojnë shërbime më efektive të IT (si për ato brenda kompanisë ashtu edhe për klientët e tyre), cila jep metodologjinë dhe kornizën për të ndihmuar kompanitë të menaxhojnë ITSM. Me kërkesat e standardit kompanitë aplikojnë praktikën më të mirë, duke ndihmuar në përmirësimin e ofrimit të shërbimeve IT.

2.3.6 Operatori Ekonomik duhet të paraqesë një propozim teknik të shoqëruar me skemat e rrjetit të ofertuesit, për zgjidhjen teknike për ofrimin e shërbimit si dhe planin e back-up për ofrimin e shërbimit, duke përfshirë edhe mbrojtjen nga sulmet DDoS. Mbrojtja nga sulmet DDoS do të ofrohet për linjën e internetit në site primar nëpërmjet monitorimit, njoftimit dhe pastrimit automatik të sulmeve DDoS që trafikohen në rrjetin e Institucionit duke ofruar kështu; mbrojtje të

serverit, mbrojtje të infrastrukturës BGP (Border Gateway Protocol), mbrojtje në bazë volumetrike, rrugëzim (routing) të trafikut drejt një “Scrubbing Center” qëndërzim pastrimi, i cili duhet të ketë lidhje Intranet Layer 2 nga operatori ekonomik për të rrugëzuar të gjithë trafikun në rast sulmesh. Monitorim 24 orë / 7 ditë dhe suport nga specialistë me eksperiencë në këtë shërbim. Operatori ekonomik duhet të ofrojë mbrojtjen DDoS në disa perimetra sigurie (multi layer DDoS protection në të gjithë perimetrat e sigurisë, lokale, kombëtare dhe ndërkombëtare). Gjithashtu për platformen e përdorur për ofrimin e shërbimit DDoS, operatori ekonomik duhet ta provojë duke paraqitur kontratën e blerjes/suportit të platformës respektive ose kur operatori ekonomik është vetë prodhues i platformës .

Ky kriter plotësohet me dorëzimin e propozimit Teknik dhe kontratës së blerjes/suportit të platformës respektive për mbrojtjen DDoS ose kur operatori ekonomik është vetë prodhues i platformës.

Argumentimi : Ky kriter mbështetet në pikën 4, të nenit të 77, të Ligjit Nr. 162, datë 23.12.2020 “Për prokurimin publik” i ndryshuar dhe nenit 41, të VKM Nr. 285, datë 19.05.2021 “Për miratimin e rregullave të prokurimit publik” i ndryshuar, dhe i shërben AK që këto besueshmëri që OE ofertues ka kapacitetet e nevojshme për realizimin e kontratës objekt prokurimi, sipas përcaktimeve të bëra në Termat e Referencës.

Mbrojtja kundër sulmeve DDoS (Distributed Denial of Service) është thelbësore për të siguruar që rrjeti të mbetet funksional dhe të mos ndikohet nga sulmet që synojnë të mbingarkojnë infrastrukturën e tij. Kjo siguron një nivel të lartë të sigurisë dhe qëndrueshmërisë së shërbimit, duke mbrojtur interesat e institucionit dhe të dhënat e tij sensitive.

2.3.7 Operatori ekonomik ofertues duhet të paraqesë një deklaratë ku merr përsipër të gjitha Kërkesat Funksionale dhe Specifikimet Teknike të kërkuara nga AK.

Argumentim: Ky kriter është jo diskriminues është në përputhje me natyrën dhe përmasat e kontratës dhe është përcaktuar në mënyrë që AK të ketë garanci që operatori ekonomik ofertues do t’i përgjigjet kërkesave të AK me qëllim realizimin me sukses të kontratës dhe në mbështetje të nenit 77, të Ligjit Nr. 162/2020, datë 23.12.2020 “Për prokurimin publik” dhe të pikës 8 të Nenit 40, të VKM Nr. 285, datë 19.05.2021 “Për miratimin e rregullave të prokurimit publik”.

Të gjitha dokumentet duhet të jenë origjinale ose kopje të noterizuara.

Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

NJESIA E PROKURIMIT